

և խառնեաց յառաջին երիս մասունս, զոր ունէին՝ և ընդարձակեաց զտեղին, և ևս շինեւ ՚ի վանքն յայն գինե-տուն մեծ, և արար այլ նորոգութիւնս: Թէպէտեւ կոչէին զայն տեղի վանք Երուսաղէմի, այլ ոչ էր անդ սեղան պատարագի: Եւ Գրիգոր ևս շինեւ անդ սենեակ մի ՚ի կողմն հիւսիսոյ, և կանգնեաց անդ սեղան ՚ի ծածուկ, յանուն Ս. Յակոբայ, յորոյ վերայ պատարագէր: Եւ յեկեղեցին Ս. Աստուածածնի (՚ի Պատրիարքարանի) ևս շինեւ խրովք ծախիւք սենեակ մի մեծ վերին և ստորին սրահիւք, և արար զայն տեղի իջեւանի միարանացն Երուսաղէմի, և կամ փոխանորդարան: զի մինչ ցայն վայր չունէին առանձին տեղի: (Հոկտեմբեր 14) դարձաւ Վէզիրն մեծ ՚ի պատերազմէն: (Մարտ 11) մեծ Վէզիրն Եէկէն Մէհէմէտ Փաշա, աքսորեցաւ ՚ի Կղզին Հաոդոսի և ՚ի տեղի նորա եղաւ Այվազ Մէհէմէտ Փաշա, որ յայնմ ժամանակի էր ՚ի Վիտին, ուր առաքեցաւ կնիք Արքային: Եւ տեղապահ Վէզիրին առեալ զմեծ գրոշն գնաց բազմութեամբ յԱդրիանուպօլիս, ուր եհաս և Վէզիրն մեծ և ընկալաւ զգրոշն, և Տեղապահն դարձաւ ՚ի տեղի իւր ՚ի Կոստանդինուպօլիս:

Իսկ ինքն Գրիգոր Պատրիարք այսպէս համառօտէ ըզպատճառ գնալոյ իւրոյ ՚ի Կոստանդինուպօլիս: Քանզի յետ վճարելոյ զպարտան և կարգաւորելոյ զԹոռն Երուսաղէմի՝ ձեռն արկ խորհրդով Յովհաննու Պատրիարքի տալ նորոգել զհրովարտակս և զԽաթիթի Շէրիֆս, որ ՚ի ժամանակս ժամանակս տուեալ էին Հայոց յՕսմանեան Կայսերաց, վասն սեփհականութեանց Երուսաղէմի, որ և արար իսկ: Լուեալ Յունաց զայսպիսի ձեռնարկս Գրիգորի և Յովհաննու, լցան նախանձու, թէ հաս զօրանան Հայք, որով և յարուցին ազմուկ վեծ ՚ի կայսերանիստ քաղաքի անդ, և ամբաւ ծախիւք ձգեցին ՚ի կողմն իւրեանց զմեծամեծս Դրան: Եւ զԱրքայ հանին ՚ի կամաց, որպէս թէ գրկեալ իցեն Հայք զՅոյնս, և ետուն յետս առնուլ ՚ի ձեռաց Հայոց զնոր Խաթիթի Շէրիֆն և պատառել: և զերկու գլխաւոր իշխանս ազգին մատնեցին ՚ի բանտ, և ըսպառնային տալ ջնջել զբովանդակ ազգն: այլ Տէր ողորմեցաւ և փրկեաց զմեզ: Իսկ ազգայինք Կոստանդինուպօլսոյ վասն այսր խնդրոյ ծախեալ էին բազում ինչ, և